



National
Carer
Strategy

PEPA FAATALANOA

AUIVI FAALEMALO A TAGATA
TAUSI (National Carer Strategy)



Australian Government
Department of Social Services

Anotusi

Amanaiā o le Atunuu	2
O le Komiti Faufautua o le Auivi Faalemalo a Tagata Tausi	2
Upu Tomua	3
Faamatalaga i le gagana	4
Faagasologa o faatalanoaga	5
O le ā le faamoemoega o le pepa o faatalanoaga?	5
Fesoasoani ma Lagolago	6
Aisea e faia ai faatalanoaga faalemalo?	7
Aisea ua avea ma se matafaioi aufaatasi?	7
Vaega 1: Faatomuaga	8
Faamoemoega o le Auivi Faalemalo a Tagata Tausi	8
Aisea e fai ai le Auivi Faalemalo a Tagata Tausi fou	8
Pepa faatalanoa	9
Aotelega ma manatu autu	9
Faamaumauga	9
Faaloologia o eseese	10
Tagata tausī talavou ma tagata tausī matutua	10
Tagata tausī First Nations	10
Tagata tausī eseese faaleaganuu ma faalegagana	11
Fesootaiga faalesoifuaga i le malo	11
Vaega 2: Finauga mo se Auivi Faalemalo a Tagata Tausi fou	12
O vaega ua matou iloa	12
Soifuaga lelei	12
Maua o auaunaga	13
Tagata First Nations	13
Tagata tausī eseese faaleaganuu ma faalegagana (CALD)	13
Tagata tausī talavou	13
Vaega 3: Ou manatu	15
Isi laasaga	15
Faamatalaga o vaaiga taulai	15
Taiala Faavae o le Auivi	15
O a foliga vaaia o le tausiga?	15
Lagolago mo tagata tausī	16
Malologa puupuu	16
Galuega ma aoaoga	17
Faamuamua	17
Lagolago faaleuo	17
Tomanatu i tagata tausī uma	18
Totogi	18
Isi auaunaga	19
Faasoā lou aafiaga:	19
Faasino autu	20

Amanaia o le Atunuu

E amanaia e le Malo Ausetalia tagata Apoliki ma tagata o le Motu o Torres Strait i Ausetalia atoa ma lo latou fesootaiga faaauuina i le laueleele, vai, aganuu ma alalafaga. Matou te tuuina atu le matou amanaia i le Aumatutua uma ua folau i le lagi ma e o loo iai i le taimi nei.

O le Komiti Faufautua o le Auivi Faalemalo a Tagata Tausi

O loo taitaia e le Komiti Faufautua o le Auivi Faalemalo a Tagata Tausi le atina'eina o lenei Auivi. E aofia i le komiti tagata tausima mai soifuaga eseese ma sui o vaega mai faalapotopotoga eseese. Sa filifilia sui o le komiti e ala i le tusi talosaga (EOI), ma sa tofi e le Minisita o Social Services, Hon Amanda Rishworth MP.

E fai sao le komiti i le atina'eina o le Auivi e aofia ai le vaaiga lautele, faamatalaga, auala o faatalanoaga ma mataupu autu. E faaoga e sui o le komiti o latou aafiaga patino ma soifuaga faalegaluega ina ia mautinoa ai le atagia o soifuaga eseese i totonu o le Auivi aemaise lu'itau o loo feagai ma tagata tausima i Ausetalia.

Mo nisi faamatalaga, faamolemole tagai i le [National Carer Strategy Advisory Committee | Department of Social Services, Australian Government \(dss.gov.au\)](https://www.dss.gov.au/national-carer-strategy-advisory-committee)

Upu Tomua

Ia Aperila 2024, sa tofia ai e Minisita Rishworth se Komiti Faufautua o Tagata Tausi ua iloa o latou soifua e taitaia ma galulue faatasi ma le Malo Ausetalia ina ia vaavaaia le atina'eina o le Auivi Faalemalo a Tagata Tausi. Sa faia lenei vaega ina ia mautinoa ai le atagia uma o manatu, talitonuga, olaga tuufaatasi ma manaoga o tagata tausii i totonu o le Auivi mulimuli.

E aofia i le komiti ni tagata tausii mai soifuaga ma aafiaga eseese o le olaga faatasi ai ma sui mai faalapopotoga o tagata tausii, e aofia ai tagata tausii talavou, tagata tausii mai le First Peoples ma tagata fou, o loo tausii tamaiti faasolo atu i tagata matua, e o mai i le atunuu atoa. O sui tofia o le Komiti e tuuina atu ni fautuaga, fai ma sui ma uunaia faigata, fesoootaiga faasoifuaga ma pa puipui tulaga ese o loo feagai ma tagata i nuu ma alalafaga eseese o Ausetalia i le faatinoina o latou matafaioi o le tausiga.

O lenei auivi o se avanoa e talanoaina se suiga tatau, e faamoemoe e siitia ai le olaga tau tausiga ma faaleleia ai le tulaga tau soifuaga mo tagata tausii ma tagata o loo latou tausii. E sailia foi e tali atu i lu'itau eseese o loo feagai ma tagata tausii, e aofia ai aafiaga tau atina'e, galuega, aoaoga, faaletupe, faaletino, faalemafaufau, ma le soifuaga faaleaganuu, e aofia ai ma le aia tatau e auai atoatoa i nuu ma alalafaga.

O le tausiiaina o se matafaioi tulaga ese ma taua i totonu o nuu ma alalafaga, e tele ina lē vaaia, lē amanaia, ma lē faatauaina. O lenei tiute tauave o loo faatulaga e ala i sootaga eseese taitoatasi e alia'e i ni aafiaga o tausiga e avea ma lu'itau ma tulaga tauia. O le iloaina, faatauaina ma le lagolagoina o le tiute tauave taua o tagata tausii ma latou sao taua i olaga o tagata o latou tausii, e matua sili ona taua. O le amanaia o latou sao ma itula faaopoopo e lē totogia o loo fai ai latou tausiga ma fesoasoani e taua tele, aua o lenei fesoasoani e taua tele i le amanaia ma le faaopoopo atu i tausiga totogi o loo faatupeina e le malo ma latou auaunaga lagolago ma e faaitiitia ai le mamafa o le a tuuina i luga o polokalame tau tausiga faasoifua maloloina ma faaleagafesoatai.


I le avea foi o matou ma tagata tausii, matou te tutu faatasi ma oe. Matou te malamalama i le tulaga ese o faigata ma le natura o le mamafa o le galuega i le tele o taimi o lenei olaga o loo tatou malaga faatasi ai. O le tausiiaina, o se noataga e lalagaina i totonu o le fala o tatou olaga, ma e tele ina leai ni tagata faamalosi mai ma e manaomia le loto to'a. O se tiute tauave e faatulaga ai le tatou gafatia e auai i faiganuu, ae o loo faavae i le uiga tonu o le faatasitasi o tagata lautele.

E tolu miliona tagata tausii e lē totogia i totonu o Ausetalia, ma matou te fia faalogologo i ni outou manatu. Matou te mananao i outou finagalo, tusa lava poo le a le tulaga o tausiga ua e oo iai, tusa lava pe faato'a ta'u oe o se tagata tausii. O outou tala faamatala, outou lu'itau, ma outou manaoga o le a avea ma maa tulimanu o lenei auivi. O lenei pepa o faatalanoaga ma auala o faatalanoaga o loo siomia le atina'eina o lenei auivi ma o lau avanoa e faaleo ai vaega e taua ia te oe, e faatulaga ai faiga faavae ma polokalame e ono lagolago uma iai tatou. O se avanoa e faamautinoa ai le amanaia, faataua, ma le lagolago o tagata tausii uma ina ia auai atoatoa i faiganuu ma latou tiute tauave o le tuuina atu o tausiga.

Matou te valaaulia outou i lenei faatalanoaga. Ia outou fai finagalo tatala, faamaoni, ma galulue faatasi i le fausia o se lumanai e amanaia, faataua ma lagolago tiute tauave o tagata tausii uma.



Meredith Coote, Co-Chair



Andrew Whitecross, Co-Chair

Faamatalaga i le gagana

I totonu o lenei pepa o faamatalaga, matou te faaaogaina le faa'upuga o le 'tagata tausī' ma 'tiute tauave o tausiga' o se faaupuga faamalu mo le tuuina atu o tausiga, lagolago ma fesoasoani e lē totogia mo se tasi e iai aafiaga tumau o le soifua, gasegase faafoma'i, gasegase faalemafaufau poo ua vaivai ona ua matua. Matou te malamalama faapea o le tausiga ma tiute tauave o tausiga e mafai ona eseese ona foliga vaaia; e ono faapea o se uo, tuaoi, tagata o le aiga, toalua, alo, poo se matua.

O le faauigaina o le 'tagata tausī' i le [Carer Recognition Act 2010](#) (Tulafono o le Amanaia o Tagata Tausī 2010) o le tagata tausī e tuuina se tausiga, lagolago ma le fesoasoani patino i se isi tagata e manaomia ona e iai aafiaga tumau o le soifua, gasegase faafomai (e aofia ai gasegase tumau pe matuia), gasegase faalemafaufau, poo ua vaivai ona ua matua. E lē faatalanoaina i lenei pepa o faatalanoaga ma le auivi tulaga tau tausiga aloaia. O tagata tausī aloaia o i latou e tuuina atu le tausiga, lagolago ma le fesoasoani e totogia, e avea ma se tulaga ofo fua poo se tulaga e avea ma se vaega o se aoaoga mo auunaga totogi mo tausiga.

E le o tagata uma e tuuina atu le fesoasoani ma le lagolago e faapea o ia o se tagata tausī. E ono mafua ona o ni vaega e tele: mo se faataitaiga, e faafaigata ona iloa e le tagata tausī le eseese o lona tiute tauave ma lona sootaga ma le tagata o loo ia tausīa. O nei sootaga ma fesootaiga e lagona ai e tagata le lagona o le sootaga faatasi ma le faasinomaga ma e ono avea ma se vaega taua o le faasinomaga o le tagata. O le avea ma se tagata tausī e mafai ona avea ma lu'itau i sootaga o loo iai i le taimi nei mo itu uma. O isi tagata e ono lē amanaia le latou lagolago e tuuina atu e sili atu nai lo le lagolago e tuuina atu e isi tagata i le latou sootaga faaletagata. I faatalanoaga talu ai nei, e iai nisi sa faasoa mai faapea o le faaupuga o le 'tagata tausī' e le manaia i se faalogo. Sa latou lagona faapea o se upu e toilalo ai le tagata o loo latou tausīa ma e faaititia ai le latou tulaga ola toatasi.

Pe a tuuina atu se tausiga mo se tagata, o le upu 'tagata tausī' e ono lē manino seia aafia lou gafatia e galue ona o matafaioi tau tausiga, pe faatapulaa ai taimi e te iai ma lou aiga ma/poo le amata ona aafia ai lou soifua maloloina ma soifua lelei.

I le faaopoopo ai, matou te malamalama faapea o le upu tagata tausī e ono lē amanaia, talia pe aloaia i isi tagata, e aofia ai tagata o le First Nations ma i totonu o faapotopotoga o aganuu ma gagana eseese (CALD).

Mo lenei pepa o faatalanoaga, pe a matou ta'ua tagata tausī, matou te lē o faatatau i tagata e tuuina atu le tausiga aloia totogia. O le tagata tausī o soo se tasi, poo se tamaitiiti poo se tagata matua, e vaaia se sui o le aiga, paaga, se uo poo se tagata e manaomia le fesoasoani ona o se gasegase, vaivaiga, aafiaga tumau o le soifua, se faaletonu faalesoifua maloloina o le mafaufau poo se manaoga e lē mafai ona tuua ma e le mafai ona soifua lelei e aunoa ma se fesoasoani a se tagata tausī. O le tausiga e tuuina atu e lē totogia. Pe a matou ta'ua se tagata tausī i lenei pepa o faamatalaga e aofia ai tagata tausī matutua ma talavou.

Faamolemole ia maitau faapea o tagata o loo tauaveaina le tausiga o aso taitasi o le fanau, poo ia o se matua pe leai, pe aiga, se matua o matua poo i se tulaga tau tausiga faaletulafono (i se tulaga faapea o tamaiti e leai ni o latou lagolago faaopoopo e manaomia ona o se aafiaga tumau o le soifua, gasegase faafomai poo se gasegase faalemafaufau) e lē o taula'i iai lenei pepa o faatalanoaga ma lenei Auivi. O le lagolago patino mo lenei faapotopotoga o tagata tausī e mafai ona maua e ala i le faafesootai atu i le Faufautua o Tagata Tausī o Matua Matutua, Tausiga Faaletulafono ma Sootaga Faaleaiga i le Department of Social Services (Matagaluega o Auaunaga Faaleagafesootai) i le 1800 245 965. O isi punaoa e mafai ona maua i le [upega tafailagi o le Department of Social Services](#).



Matou te fia faalogologo i manatu o sui uma o nuu ma alalafaga o loo lagolago i se tasi e pele ia latou poo se uo, tusa lava pe latou te fia faaogaina le upu 'tagata tausī' pe lei.

E te faaogaina le faaupuga tagata tausī? E iai se isi gagana e te fia faaogaina?



E te ono faatinoa faatasi leni tiute tauave o tausiga ma se isi tagata. E tele tagata tausī o loo avea ma vaega o se faapotopotoga mo le lagolago, e aofia ai ae le gata i le tiute tauave o le tagata tausī muamua. I totonu o Ausetalia, o le faaupuga 'tagata tausī muamua' e faaoga e ta'u ai se tagata e tuuina atu le tausiga tele e aunoa ma se totogi ma e fesoasoani i se tagata mo tausiga tau gaoioiga i lea aso ma lea aso.

E iai se fesoasoani o le manatu i tagata tausī muamua?

Faagasologa o faatalanoaga

O le ā le faamoemoega o le pepa o faatalanoaga?

O leni pepa o faatalanoaga o se vaega o le faatalanoaga ma sootaga ma tagata lautele mo se Auivi Faalemalo a Tagata Tausi (o le Auivi) fou, e tuuina atu le avanoa i tagata tausī ma paaga e faasoa atu i le malo vaega e taua ia latou.

Matou te fia faalogologo mai tagata tausī uma, e aofia ai latou mai soifuaga eseese ina ia mautinoa le tali atu o leni Auivi i manaoga o tagata tausī ma tuuina atu ni taunuuga e sili ona lagolago o tagata tausī lē totogia a Ausetalia. O le faamoemoega o leni pepa o le faamanino o ni faafitauli o loo maitauina e le Department of Social Services e taua mo tagata tausī. O se faiga e faaosofia ai ni talanoaga manino ae e lē o se faiga e faailoa uma ai faafitauli talafeagai poo ni auala e tali atu iai.

O le auai e ala i le tali mai i leni pepa o faatalanoaga o se avanoa e galulue faatasi ai, mautinoa le iai o aafiaga o tagata tausī, faatasi ai ma le fefaasoa'i o tagata tausī i le talia o leni Auivi Faalemalo a Tagata Tausi fou.

E mafai ona tuuina mai se tali i leni pepa o faatalanoaga e ala i le faagasologa o le manatu tusitusia faatasi ai ma ni fesili i le vaega 3 e taitaia ai lou manatu tusitusia. O nei fesili ua na o se taitala.

A o leni foi, matou te iloa le puupuu o taimi a tagata tausī, ma ona o lea mafuaaga ua matou tuufaatasia se pepa o fesili puupuu i luga o upega tafailagi e te ono fia faatumua. E mafai ona e talia uma fesili, pe na o fesili e te lagona e sili ona taua pe talafeagai mo oe. E mafai ona maua pepa o fesili i le [Auivi Faalemalo a Tagata Tausima'i | engage.dss.gov.au](https://engage.dss.gov.au).

E lē o se faiga faavae faalemalo leni pepa o faatalanoaga, ae peitai, e faatulaga le auala e malamalama ai le Malo o Tau Puelga i manaoga a tagata Ausetalia mo ona tagata tausī ma vaega e tataua ona faamuamua e le malo ina ia uunaia ai taunuuga sili ona lelei mo tagata tausī uma.

Aso tapuni ai finagalo tuuina mai: 11:59pm AEST i le aso 13 o Setema 2024.

Faaulu mai se manatu tusitusia i luga o upega tafailagi, e ala atu i le DSS Engage:

- E mafai ona tuuina mai lou manatu tusitusia i luga o upega tafailaiga, e ala atu i le DSS Engage i le [Auivi Faalemalo a Tagata Tausima'i | engage.dss.gov.au](https://engage.dss.gov.au).
- Faamolemole ia tuu iai ulutala e talafeagai i ulutala poo fesili o loo e tali iai.
- E te ono fia tali atu i fesili uma pe filifili e tali na o ni fesili e talafeagai mo oe.
- Afai o loo e fai ma sui o se faalapopotoga, matou te faamalosia oe e te tuuina mai ni tala faataitai, faamaumauga poo ni faamaoniga e lagolago ou manatu. Faamolemole ia mautinoa le leai o ni faamatalaga e ono iloa ai oe, sei vagana ua e malie e faasoa ou faamatalaga e ono iloa ai tagata.
- E ono filifili le Malo e lolomi manatu faaalua i faatalanoaga i le Auivi Faalemalo a Tagata Tausi. Pe a tuuina mai se manatu tusitusia, e ono fesili atu e faamanino mai pe e te manao e lolomi i luga o le upega tafailagi a le matagaluega lau manatu tusitusia e iloa ai oe pe leai. Mo nisi faamatalaga e faatatau i lou tulaga faalilolilo, faamolemole tagai i le faasilasilaga o tulaga faalilolilo i le [Faiga Fa'alilolilo | Department of Social Services, Australian Government \(dss.gov.au\)](https://www.dss.gov.au).

Imeli: NationalCarerStrategy@dss.gov.au

Meli: National Carer Strategy GPO Box 9820
Department of Social Services Canberra ACT 2601

Fesili: Lafo uma fesili i le NationalCarerStrategy@dss.gov.au

Resitala: Ina ia e nofo malamalama i taimi uma a o faagasolo lenei faatalanoaga, faamolemole resitala i le engage.dss.gov.au

Fesoasoani ma Lagolago

Faamolemole ia e nofo silafia o lenei pepa e iai faamatalaga e ono mafatia faalemafaufau ai tagata faitau. E aofia ai faamatalaga e uiga i aafiaga o tagata tausima'a Ausetalia ma lu'itau e feagai ma latou. Afai e te manaomia se lagolago e tali atu ai i ni lagona mafatia pe a maea ona e faitauina lenei pepa, e iai auaunaga ofo fua o loo avanoa mo oe.

Carer Gateway

- Telefoni 1800 422 737, Aso Gafua i le Aso Faraile, 8am i le 5pm mo le lagolago ma auaunaga.
- Upega tafailagi: [Carer Gateway](https://www.carer.gov.au)

Beyond Blue Support Service

- Telefoni 1300 224 636, 24 itula, 7 aso o le vaiaso.
- Talanoa i luga o le initaneti 3pm i le 12am AEST, 7 aso o le vaiaso.
- Imeli mai e aunoa ma se totogi, fesoasoani tau faufautua mo se taimi puupuu, auaunaga faafautua ma le faasee ese.
- Upega tafailagi: [Beyond Blue Support Service](https://www.beyondblue.org.au).

Lagolago o Mafatiaga Faasoifuaga

- O lenei auaunaga puipua faalilolilo e tuuina atu le lagolago pe a e lagonaina le mafatia, faafaigata ona tali atu poo le mafaufau i le pule i lou oe soifua.
- Talanoa i se auaunaga lagolago i taimi mafatia e ala i le telefoni 13 11 14, 24 itula, 7 aso o le vaiaso.
- Feau tusitusia 0477 13 11 14 mo le lagolago, 24/7.
- Talanoa i luga o le initaneti 24/7.
- Upega tafailagi: [Lifeline Crisis Support](https://www.lifeline.org.au).

1800RESPECT

- Mo le lagolago pe afai sa e aafia i se sauaga tau feusuaiga poo se sauaga faaleaiga.
- Telefoni 1800 737 732, 24 itula o le aso, 7 aso o le vaiaso.
- Talanoa i luga o le initaneti i le 24 itula o le aso, 7 aso o le vaiaso.
- Upega tafailagi: [1800RESPECT](#)

13YARN

- O le auaunaga a le First Nations e tuuina atu le lagolago puipuia faaleaganuu.
- Talanoa i se Tagata Apoliki Lagolago i Taimi Mafatia poo se Tagata o le Motu o Torres Strait e ala i le telefoni 13 92 76, 24 itula o le aso, 7 aso o le vaiaso.
- Upega tafailagi: [13YARN](#)

QLife

- O le QLife e tuuina atu le lagolagi fua ma lē iloa tau LGBTQ+ mo tagata i Ausetalia
- Valaau le 1800 184 527, tatala mai le 3pm i le valuapo, aso uma pe asiasi [QLife - Support and Referrals](#)

Aisea e faia ai faatalanoaga faalemalo?

O lu'itau e feagai ma tagata tausī e eseese ma e tele ona faatatau i latou tulaga tau tagata taitoatasi. Matou te iloa o nei aafiaga e ono oo i lagona o le fia nofo toatasi, faailoga tagata, ma suiga i le tulaga o le aiga. O nei aafiaga e mafai ona leaga ai le tulaga o le olaga o se tagata tausī, ma aafia ai latou soifua faalemafaufau, soifua maloloina faaletino, tutoatasi, ma le lagona tau faasinomaga.

O lenei Auivi e tuufaatasia mai faatalanoaga faatasi ma tagata tausī i Ausetalia atoa. O loo tauaveina e le matagaluega se faatalanoaga i le atunuu atoa e aofia ai nofoaga tu taulaga, itulagi, ma tua i nuu ma alalafaga e le ui gofie.

E aofia i faatalanoaga tagata tausī sa iai aafiaga i latou olaga soifua mai, sui o vaega ma e aofia ai faalapopotoga eseese e pei o tagata tausī talavou, faapotopotoga First Nations ma tagata lautele e iai eseese faaleaganuu ma faalegagana (CALD). E aofia i faatalanoaga sui mai faalapopotoga eseese o tagata e lagolagoina e tagata tausī e pei o, tagata e iai faafitauli faasoifua maloloina faalemafaufau, tagata matutua, fitafita ritaea ma latou e iai aafiaga tumau o le soifua ina ia malamalama lelei i manaoga faapitoa a vaega eseese o tagata tausī.

Aisea ua avea ma se matafaioi afaatasi?

E faaauuina ona fesoasoani le malo tau pulega, faasetete ma faateritori i le loaloa o manaoga o tagata tausī e ala i auaunaga ma polokalame, faatasi ai ma tulaga faalemalo uma o loo iai matafaioi mo le faatupeina, faasoa atu ma/poo le faatonutonuina o polokalame faagasolo.

E ala atu i avanoa o faatalanoaga talu ai nei, e pei o komisi suesue, pepa o suesuega ma talanoaga; sa faasoa e tagata tausī le faafaigata ona maua auaunaga ma e alu ai foi le taimi ona o le faigata o faagasologa masani a le malo.

E faamanino e nei manatu le manaomia o le faaleleia o le tuufaatasiga o auaunaga ma le fesootaiga o faiga faavae a malo taitasi.

Sa faasoa foi le faaluafesasi ma lu'itau a tagata tausī sa feagai ma latou i le latou tiute tauave o tausiga, latou soifua lelei ma i totonu o latou nuu ma alalafaga.

O le Auivi Faalemalo a Tagata Tausī e tuuina atu ai se avanoa e amanaia ma malamalama i le fesootaiga faasoifuaga o fesuaiga o loo faatino i le taimi nei. E aofia ai avanoa e faailoa ai vaega e fesootai ai ina ia ogatusa faamoemoega, e pei o le tali atu lea i le siitia o le manaomia o auaunaga poo le sailiilia o le faaleleia o le auai faaletamaoiga o tagata tausī e ala i le faateteleina o le auai faalegaluega.

Vaega 1: Faatomuaga

Faamoemoega o le Auivi Faalemalo a Tagata Tausi

O lenei Auivi e fausia ai se vaaiga taula'i mo tagata tausima a Ausetalia ma latou aiga. O se faafanua mo le Tau Pulega mo le lima tausaga lumanai, e tuuina atu ai se vaaiga taula'i o vaega e manaomia e Ausetalia ona ausia mo tagata tausima.

E taula'i i eseese o tagata tausima e ala i le susesueina o olaga o tagata tausima, e aofia ai tulaga faapitoa ma fesoasoani o loo iai a tagata tausima. E faamoemoe e faaogatasi ma faafesootai matagaluega tau pulega uma ina ia lagolago sootaga lelei ma sootaga o gaoioiga, faamalosi o le lagolago a le Malo i le soifua lelei, aoga, soifua maloloina (e aofia ai le soifua maloloina faalemafaufau) ma le saogalemu o tagata tausima le totagia a Ausetalia.

Aisea e fai ai le Auivi Faalemalo a Tagata Tausi fou

O le Auivi Faalemalo a Tagata Tausi tuai sa faalauiloa i le 2011 ma sa nofo autafa o le Auivi Faalemalo o Aafiaga Tumau o le Soifua 2010-2020 ma, faatasi ai ma le Carer Recognition Act 2010, ma sa avea ma vaega o le Ata Faataatia Faalemalo o le Amanaia o Tagata Tausi a le Malo o Ausetalia.

O lenei Auivi tuai sa suia i le 2015 e ala i le amataina o le Fuafuaga Tuufaatasia mo Auaunaga Lagolago mo Tagata Tausi (ua iloa nei o le Carer Gateway).

Talu ona tatala le Auivi talu ai nei, sa tele suiga tetele i auaunaga taua tuuina atu mo tagata e iai manaoga tau lagolago e aofia ai le faatinoina o le Polokalame Inisiua Faalemalo o Aafiaga Tumau o le Soifua, Auivi o Aafiaga Tumau o le Soifua a Ausetalia 2021-2031 ma suiga i tausiga o tagata matutua. O le siitia o le taula'i i fuafuaga e ogatotonu ai tagata ma le faasoa atu o auaunaga o loo suia ai auala e fesootai ai auaunaga lagolago aloaia ma tagata e faaogaina latou auaunaga, faatasi ma latou aiga, uo ma tagata tausima.



**fuafua e siitia tausiga lē aloaia
e siitia i le 23%
i le va o le 2020 ma le 2030**

O loo faaataata i ata faataitai o faitauga o aofai o tagata mo tausaga o lumanai le siitia o le manaomia o tagata tausima i le 23% i le va o le 2020 ma le 2030. E fua nei ata faataitai i suiga i fuainumera o tagata e iai aafiaga tumau o le soifua e tuga pe matautia o loo nonofo i nuu ma alalafaga (Deloitte, 2020). Ua siitia foi le numera o tagata Ausetalia matutua (ABS 2022-base---2071).

I lenei foi taimi a o siitia le manaomia o tausiga lē totagia, ua siitia foi le fua faatatau o le auai i falefaigaluega o tamaitai - e aofia ai le silia ma le lua-tolu o tagata tausima uma - e auai i galuega (ABS, 2024). O nei vaega e faaauau pea ona aafia ai le gafatia o tagata tausima e tuufaatasia tausiga lē aloaia ma galuega totagi ma e iai le aafiaga i le auai faatamaoiga o tagata tausima.

O le Auivi foi e tuuina atu se ata faataitai faalemalo mo le fesootaiga o faiga faavae a tagata tausima i matagaluega Tau Pulega, faatautaia o le faaleleia o lagolago mo tagata tausima, i le taimi nei ma le lumanai.

Pepa faatalanoa

O le atina'eina o se Auivi Faalemalo a Tagata Tausi fou o se avanoa ina ia faatino ai se faatalanoaga o tagata lautele i auala e mafai ona lagolago ai e Ausetalia ona tagata tausī. O lenei faatalanoaga e tilotilo i soifuaga eseese o tagata tausī, e aofia ai manaoga taitoatasi a tagata tausī, manaoga o tagata o loo tausī, le maua o le lagolago i isi nofoaga ma pe faapefea ona uia e tagata tausī auunaga o loo tuuina atu le lagolago.

Ata 1: O le eseese o tagata tausī a Ausetalia

ESESEGA O TAGATA TAUSI A AUSETALIA

E FESUISUIAI TAUSIGA, AAFIAGA, TULAGA MA LAGOLAGO I LE TELE O VAEGA, MO LE FAATAITAIGA:

E manaomia ona tali le Auivi Faalemalo a Tagata Tausi i tagata tausī eseese a Ausetalia ma sootaga tau tausiga



Aotelega ma manatu autu

Faamaumauga

E aoina mai faamatalaga mai punaoa eseese e aofia ai le Faitau Aofai o Tagata ma Fale faalemalo a Ausetalia faapea ma le Pepa Iloilo o Aafiaga Tumau o le Soifua, Aumatutua ma Tagata Tausi (Survey of Disability, Ageing and Carers, SDAC) e faatautaia e le Australian Bureau of Statistics (ABS, Ofisa o Faamaumauga a Ausetalia).

E tusa ai ma faamaumauga lata mai nei a le SDAC, mai le 3.0 miliona o tagata tausī lē totogia i Ausetalia, poo le 1.2 miliona (4.5% o tagata Ausetalia) o loo ta'ua o tagata tausī muamua (ABS, 2022). O se siitaga leni mai le 3.5% o tagata poo le 861,000 i le 2018. Mai tagata tausī muamua nei, e 43.8 pasene o latou e manatu e iai le latou aafiaga tumau o le soifua. E faailoa mai e faamaumauga a le SDAC faapea e 67.7% o tagata tausī autu i Ausetalia o tama'itai.

E maituina i le iloiloga o le Ofisa o Soifua Maloloina ma Uelefea a Ausetalia faapea mai le Faitau Aofai o Tagata ma Fale a le ABS (2021) e 76,600 (15%) o Tagata Moni o Ausetalia e 15 tausaga ma luga atu o loo avea ma tagata tausī.

O le Carer Gateway o se polokalame lagolago a le Malo o Ausetalia ma o faamaumauga e aoina mai i auunaga o loo manino ai le eseese o avanoa e maua ai auunaga a tagata tausī.

E tusa ma le aso 30 Iuni, 2023, e 163,403 poo le 6 pasene o tagata tausī a Ausetalia sa resitala i le Carer Gateway (faamaumauga a le Data Exchange mai le 30 Iuni 2023). Mai le 163,403 o tagata tausī sa resitala i le Carer Gateway:

- 122,233 o tagata tausī (poo le 75 pasene) o tama'itai
- 9,013 o tagata tausī (poo le 6 pasene) e i lalo o le 25 tausaga le matua
- 6,733 p tagata tausī (poo le 4 pasene) e ta'ua o tagata o le First Nations People
- 9,583 o tagata tausī (poo le 6 pasene) e ta'ua o tagata eseese faaleaganuu ma faaleagaga (CALD)

Faaaloogia o eseese

O lenei Auivi e amanaia le eseese o tagata tausī i Ausetalia e tusa ai ma o latou aganuu, tapuaiga, gagana, gafatia, nofoaga ma faatulagaga faaleaiga e aofia ai le potopotoga o LGBTIQ+.

Tagata tausī talavou ma tagata tausī matutua

Tatou te iloa e mafai ona eseese tausaga o tagata tausī, ma o tamaiti ma talavou e i lalo o le 25 tausaga e ta'ua o 'tagata tausī talavou' ma o tagata tausī e 65 tausaga pe luga atu e ta'ua o 'tagata tausī matutua'.




silia ma le
392,900
tagata tausī
talavou



silia ma le
758,000
tagata tausī
matutua

Talu mai le 2022, mai le 3.0 miliona o tagata tausī lē totogia i Ausetalia, e silia ma le 392,900 tagata tausī talavou ma e silia ma le 758,000 tagata tausī matutua i Ausetalia (ABS, 2022). O lenei faatalanoaga faalemalo e faamautinoa ai le malamalama lelei o le Auivi i manaoga ma le tulaga ese o tagata tausī talavou ma o latou e matutua atu.

Tagata tausī First Nations



76,568 Tagata

E silia ma le **3.1%** o le aofai o tagata tausī o tagata First Nations.

Sa faailoa mai i le Faitau Aofai o Tagata ma Fale a le ABS 2021 faapea o le 3.1% o tagata tausī o tagata First Nations, poo le 76,568 o tagata. E tele ina feagai tagata First Nations ma faafitauli faaopoopo i le faailoa o latou o 'tagata tausī' ma latou te sailia le lagolago i le latou tiute tauave tau tausiga (FPDN, 2023). Matou te fia malamalama i nei faafitauli.

Tagata tausii eseese faaleaganuu ma faalegagana

E tusa ai ma faamaumauga o le faitau aofai o tagata a le Australian Bureau of Statistics (2021), o le vaega o tagata tausii e le o 'le gagana autu i le fale le Igilisi' e tusa ma le 20.4% (faamauina e le University of Canberra mai le Faitau Aofai 2021) a o le 25%-30% e o mai i olaga eseese o faaleaganuu ma faalegagana.



O a ni avanoa e faaleleia ai lou olaga i aso taitasi e ala atu i leni auivi?

Fesootaiga faalesoifuaga i le malo

E tuuina atu e le Komiti Faufautua o le Auivi Faalemalo a Tagata Tausii le taitaiga ma fautuaga e ala i le tuufaatasiga o le Auivi. E faamautinoa ai le manatu i tulaga lautele i finagalo ma aafiaga tau soifuaga i le loaloa o tagata tausii, faatasi ma faatalanoaga o tagata lautele e amataina i Ausetalia atoa. O leni faatalanoaga lautele e taitaia le auala e tatau ona faasino iai tatou taumafaiga ina ia ausia manaoga ma atina'e ai ni faiga faavae e talafeagai i le tali atu i avanoa o le auaunaga.

Matou te malamalama faapea o tagata tausii e uia le tele o faiga faagasologa eseese e manaomia ai le latou fesootai ma faalapopotoga e tele ma auaunaga i le taimi e tasi. Ua faailoa mai e tagata tausii faapea o ia faiga faagasologa e faaalu taimi ma e lavelave.

E sailia leni Auivi ina ia faaleleia aafiaga faalesoifuaga a tagata tausii i nei faiga taua mo le lagolago. E mafai ona aofia ai fesootaiga lelei o faiga faavae i matagaluega a le Malo, lelei ona faasoa o faamatalaga, siitia o le fesootaiga i totonu o le malo, ogatasi o faiga faavae i faalapopotoga Tau Pulega, ma/poo le aveesea o laasaga lē talafeagai mai faiga ia.

O se suiga taua e manaomia ai le fesootaiga i le Malo ina ia taula'i i faafitauli i faagasologa. E faatonu e aoaoga mai poloklame eseese a le Malo leni Auivi e pei o le Closing the Gap, le Komisi Suesue o Sauaga, Faatautala, Tuulafoaina ma le Faaaogaina o Tagata e Iai Aafiaga Tumau o le Soifua, Auivi Faalemalo e Ausia le Agatutusa o Tagata, Auivi Faalemalo o le Gasegase Autism ma e galue i le tausiga ma le lagolago faatamaoiga e faaulu e le Department of the Prime Minister and Cabinet (Matagalega o le Palemia ma le Kapeneta).

E tilotilo leni Auivi i faafitauli o faagasologa e aafia ai tagata tausii i le tele o matagaluega Tau Pulega e aofia ai Ofisa Inisua Faalemalo o Aafiaga Tumau o le Soifua, Department of Veterans Affairs (Matagaluega o Mataupu Tau Fitafita Ritaea) ma le Department of Health and Aged Care (Matagaluega o le Soifua Maloloina ma le Tausiga o le Aumatutua).



Ua e aafia i ni suiga i faagasologa i le ave'a ai ma se tagata tausii?

O a ni vaega e mafai ona faafaigofie ai mo tagata tausii ina ia ausia o latou manaoga pe a fesootai ma auaunaga poo le malo?

Vaega 2: Finauga mo se Auivi Faalemalo a Tagata Tausi fou

O vaega ua matou iloa

Ua faasoa e tagata tausii i le atunuu atoa latou finagalo i lu'itau e feagai ma latou i le latou tiute tauave tau tausiga, latou soifua lelei ma latou nuu e ala i avanoa eseese e faasoa ai finagalo o tagata lautele, e pei o komisi sutesue, sutesuega, iloiloga ma faatalanoaga. Matou te sailia i vaega ua maea faasoa mai e tagata tausii i le uunaia o le faaleleiga mo tagata tausii, tagata latou te tausii, ma latou nuu.

Ua faasoa mai e tagata tausii ma paaga:

- E leai se manaoga mo se toe faamamafa i le tali atu i manaoga atoatoa o tagata tausii lē totogia.
- E iai le manaoga e tuu faatasi tausiga aloaia ma lē aloaia ina ia faaleleia ai taunuuga mo tagata o loo tausii mo se faataitaiga, e fia amanaia tagata tausii ona o latou agavaa e mafai ona latou faasoa atu ina ia malamalama i manaoga ma filifiliga o tagata o loo latou tausii.
- O aafiaga ma lu'itau tulaga ese o tagata tausii First Nations ma isi tagata eseese e manaomia ai auaunaga saogalemu faaleaganuu ma patino faapea ma le lagolago. E taua le aofia ai o manatu ma finagalao o tagata First Nations ma isi tagata eseese i le atina'eina o faiga faavae, polokalame ma lagolago ina ia malamalama lelei ma ausia o latou manaoga tulaga ese.
- E iai le manaoga mo faataitaiga o tausiga faalotoifale ma auaunaga ua tuu faatasi ma le lagolago o tagata tausii, e aofia ai le soifua maloloina faaletino ma faalemafaufau, soifua lelei faaletupe ma le maua o tausiga puupuu.
- O le faafaigofie ma le ogatasi o pa puipui faafae e mafai ona fesoasoani i tagata tausii ina ia uia lelei ia faiga e tatau ona latou faatinoa ina ia ausia o latou tiute tauave.

Soifuaga lelei

O loo faalia mai i faamaoniga faapea e mafai ona aafia leaga tagata tausii aemaise o latou soifua lelei, e masani ona faamatalaina o le "noatiaga o tausiga". O le taimi o loo faaoga e tuuina atu le tausiga mo le isi tagata e tapulaa ai le taimi avanoa mo le tagata tausii mo le galuega, aoaoga, tafaoga ma le tausiga patino (Pepa Iloilo o le Soifua Lelei o Tagata Tausii, 2022). O loo faalia mai i faamaoniga faapea e ono faamuamua e tagata tausii le soifua lelei o tagata latou te tausii nai lo latou lava soifua maloloina ma le soifua lelei. E ono iu i le tuulafoaina e le tagata tausii lona ia lava tausiga e taua mo le faatumauina o le soifua maloloina lelei, e pei o siaki masani faafomai, toleniga, taumafa paleni, maua o se moe lelei, fesootaiga, sootaga ma lagolago ma isi tagata (Pepa Iloilo o le Soifua Lelei o Tagata Tausii, 2023).

O le soifua lelei ma le saogalemu o tagata tausii a Ausetalia o loo faamuamua lava e le Malo. E tele vaega e ono mafua ai le ogotia ma le ootia o le soifua maloloina faalemafaufau a tagata tausii. Poo le a lava le tulaga, afai e manaomia e le tagata tausii poo le tagata o loo tausii se fesoasoani, e tele ina avanoa auaunaga lagolago faapitoa eseese. Ina ia faaaauina le tali atu i lu'itau e feagai ma tagata tausii, matou te faamoemoe ina ia faaleleia le malamalama a tagata tausii ma taugata lautele i le uiga o le tausiga, poo ai le tagata tausii e lē totogia ma poo a ni fesoasoani o loo avanoa ma ia amanaia le sao taua e tuuina atu e tagata tausii lē totogia. O taumafaiga o tagata tausii lē totogia i totonu o nuu ma alalafaga i le tuuina atu o le fesoasoani taua i tagata taitoatasi e iai aafiaga tumau o le soifua, gasegase tumau ma mo tagata matutua e taua tele ina ia gafatia e ia tagata le nofoia o latou fale ma nuu.

O le lē amanaia o tiute tauave o tausiga ma latou aafiaga e faaaau lava ina faalia o ni vaega tau faatulagaga o loo tuulafoaina. O le maua o auaunaga talafeagai i le taimi tatau faatasi ai ma faatulagaga tau tausiga e mafai ai ona iai

malologa talafeagai mai le tiute tauave o tausiga ma o se vaega taua i le lagolagoina o le soifua maloloina ma le soifua lelei o tagata tausiga.

Maua o auunaga

Sa maua mai i le *Pepa Iloilo o le Soifua Lelei o Tagata Tausi 2023* faapea e mafai ona maua e tagata tausiga le tele o fesoasoaniga ma auunaga e aofia ai aoaoga, faalapotopotoga lagolago faaagafesootai ma tausiga pupuu. O loo faailoa mai i suesuega faapea o le tele o ituaiga fesoasoaniga e iai aafiaga lelei, malosi ma faaauau mo tagata tausiga e aofia ai le tausiga pupuu, tulaga faalegaluega tatala, togafitiga faalemafaufau, aoaoga ma faalapotopotoga lagolago. Ae peitai, e feagai tagata tausiga ma pa puipui ma lu'itau i le mauaina ma le uia o nei auunaga, e aofia ai faiga tau faafoega. E faalia mai i suesuega faapea e eseese aafiaga o pa puipui i vaega eseese, e aofia ai tagata tausiga mai nofoaga faaitulagi poo tua atu, tagata tausiga o tagata e faigata o latou manaoga ma tagata tausiga e ia pa puipui tau faigamalaga, uia gofie ma le gagana (Pepa Iloilo o le Soifua Lelei o Tagata Tausi, 2022).

I le faaopoopo ai, talu ai nei sa laulau ai le ripoti o le House of Representatives Standing Committee on Social Policy and Legal Affairs i lana Sailiiliga i le amanaia o tagata tausiga e lē totogia; [Recognising, valuing and supporting unpaid carers \(aph.gov.au\)](#) (2024). Sa suesue e le Komiti lu'itau e feagai ma tagata tausiga lē totogia ma ni filifiliga mo se suiga. E 22 fautuaga sa iai i lenei ripoti e aofia ai le manaoga mo le faateteleina o le taula'i i vaega itiiti e aofia ai ae le na o tagata tausiga a le First Nations, tagata tausiga e eseese faaleaganuu ma faalegagana ma tagata tausiga talavou.

Tagata First Nations

Sa tauave e le Australian Institute of Health and Welfare se sailiiliga o le *ABS Census of Population and Housing 2021 (2023)*. O loo faali mai faamaumauga faapea o tagata First Nations e 15 tausaga agai luga e tele ina aofia i tausiga lē totogia, ma e 15% o tagata Ausetalia moni o loo lavevea ai. E 1.3 le tele o le avanoa e iai tagata First Nations i le tausiga lē totogia pe a faatusatusa i isi tagata Ausetalia ma latou te tauaveina le tiute tauave o le tausiga a o laiti (AIHW, 2023). E feagai tagata tausiga First Nations ma lu'itau faaopoopo atu i le faaitiitia o le soifua lelei, ogotia faaletupe ma le itiiti o le fuafaataatau o le auai faalegaluega (Pepa Iloilo o le Soifua Lelei o Tagata Tausi, 2023). Mo le faataitaiga, o feteenaiga faaleaoaoga o tagata tausiga First Nations e sili atu ona manino i nofoaga tu ese ma nuu i tua (LoGiudice et al., 2021) ma e maualuga le mafai ona oo i faaaitiitia faasoifua maloloina ma aafiaga tumau o le soifua e ono manaomia ai le fesoasoani (Hill et al., 2012).

Tagata tausiga eseese faaleaganuu ma faalegagana (CALD)

E ala atu i faatalanoaga, sa faailoa mai e tagata tausiga mai soifuaga eseese faaleaganuu ma faalegagana faapea o le lagolago lelei o tagata tausiga CALD e manaomia ai le tomai pe faapefea ona malamalama lelei i tausiga i siosiomaga eseese ma o se pa puipui faaopoopo e feagai ma tagata tausiga i le faatinoina o latou tiute tauave ma le mauaina o fesoasoaniga. O se taula'iga faafouina i le faaitiitia o pa puipui e ala i le siitia o le faalauaitelina ma le patino o lagolago e mafai ona faaleleia ma fesoasoani i le tausiga taofia faasoifua maloloina faalemafaufau faatasi ai ma le soifua lelei ma taumuuga mo tagata tausiga CALD.

Tagata tausiga talavou

E taua le vaega a tagata tausiga talavou i le potopotoga o tagata tausiga. Ua ripoti mai e tagata tausiga talavou faapea e aafia tele o latou soifua lelei, aoaoga, ma le auai i galuega (Mohanty and Niyonsenga, 2021). E taua le amanaia ma le lagolago lelei o tagata tausiga talavou. E aofia ai ma le faalauaitelina o latou tiute tauave ma latou sao i le avea ma tagata tausiga i totonu o latou nuu, tuuina atu o aoaoga, faaleleia o polokalame faalauaitelina ma le faaleleia o malamalama o tiute tauave o tagata tausiga.

Tagata tausī LGBTQIA+

E itiiti lava faamaumauga faalemalo i tagata LGBTQIA+ e tuuina atu le tausiga. O faamaumauga maua e faapea e iai aafiaga faaopoopo o tagata tausī LGBTQIA+ i le latou tiute tauave tau tausiga, e aofia ai le tele o le tuueseina faaleagafesootai, faailoga tagata (aemaise i le mauaina o lagolago, ma auaunaga e ono lē afaatasi), le itiiti o le aloaia o latou aafiaga poo latou faasinomaga (Tagata Tausī Faasoifua Maloloina a NSW, 2024), ma le faauuina pea o le alu i lalo o latou soifua lelei (Iloiloga o Soifua Lelei o Tagata Tausī, 2023). O pā pupuni o tagata tausī LGBTQIA+ e mafai ona tali iai e ala i le faaopoopo o, lagolago afaatasi etaitaia e uo ma e talafeagai faaleaganuu; ma e fausia le tele o faalauiloa i aafiaga tulaga ese o tagata tausī LGBTQIA+.

Vaega 3: Ou manatu

Isi laasaga

E ala atu i faatalanoaga ma tagata lautele matou te sailia e malamalama atili i lu'itau autu o loo aafia ai tagata tausima ma toe iloilo manatu mo ni tali e ono faaleleia ai olaga o tagata tausima ma tagata latou te fesoasoani iai.

O vaega o loo sosoo ai e valaaulia ai oe e tali atu i fesili eseese. E valaaulia oe e tali i nisi poo fesili uma pe tuuina mai se manatu e te silafia e tatau ona manatu iai i le atina'eina o lenei Auivi. E faamautinoa ai le iai i le Auivi manatu o tagata e toatele.

O lenei pepa o faatalanoaga o se vaega o le faatalanoaga o tagata lautele. Faamolemole asiasi ane i le upega tafailagi a le Department of Social Services ina ia iloa pe faapefea ona faaauau ona e auai i le faagasologa o le faatalanoaga.

Faatulagaga fuafuaina o le Auivi Faalemalo a Tagata Tausima

O le faatulagaga fuafuaina o le Auivi Faalemalo a Tagata Tausima e aofia ai taiala faavae, le vaaiga taula'i, taunuuga faamoemoeina, faiga faavae faamuamua ma faailoilo e fua ai le manuia i le lumanai e fua i taunuuga ma vaega o suiga e faamuamua.

Faamatalaga o vaaiga taula'i

O le faamatalaga o le vaaiga taula'i mo le Auivi Faalemalo a Tagata Tausima fou sa tusia e tagata tausima e iai aafiaga faalesoifua mai vaega ma nofoaga eseese i Ausetalia. O lenei faamatalaga o le vaaiga taula'i e faavae ai manaoga ma taunuuga faamoemoeina mo le Auivi.

'O le matou vaaiga taula'i e mo tagata lautele o Ausetalia e amanaia, faataua ma faamalosiua i tagata tausima e ala i le lagolagoina latou te manaomia e auai atoatoa i totonu o nuu ma alalafaga ma ausia o latou tiute tauave o tausiga.'

Taiala Faavae o le Auivi

E tuufaatasi ni taiala faavae e taitaia faiga faavae ma faatinoga o loo fuafua mo le lumanai i lalo o lenei Auivi. E aofia i taiala faavae vaega e pei o le taula'i i tagata tausima, faalogo i manatu o tagata tausima, ma afaatasi ma tagata tausima eseese. E mafai foi ona manatu i manaoga o tagata tausima uma i le auaunaga ma le taimi atoa.

E ala atu i faatalanoaga ma tagata lautele, e iai le avanoa o paaga e tuuina mai ni finagalo mo taiala faavae e taitaia ai le Auivi. O nei finagalo e mafai ona avea ma se vaaiga taula'i, se taunuuga poo se vaega e faamuamua mo le Auivi. E mafai ona faatino i se taimi umi, poo se taimi puupuu.

Fesili:

1. O a taiala faavae e te manatu e tatau ona iai i le Auivi Faalemalo a Tagata Tausima?

O a foliga vaaia o le tausiga?

E tuuina atu e tagata tausima le lagolago ma le fesoasoani i gaoioiga o aso taitasi e pei o le tapenaga o taumafa, tausiga patino, fesoasoani feaveai, femalagaaiga, fesoasoani i faaiuga fai, fesoasoani i talavai, faafoega faaletupe, faamama o le atuatuvaale, faafoe o lagona ma le faafoega o faalavelave. O isi tagata e tuuina atu le tausima i taimi uma, a o isi e faavaitaimi. O isi tagata tausima e vaaia tagata e mafai ona nofo toatasi ae e manaomia le fesoasoani mo isi vaega laiti e pei o teugatupe, faigamalaga, faatauga poo feau i le fale. E eseese uma ituaiga olaga. O isi tagata e ono manaomia le lagolago faataitai e pei o le atina'eina o aoaoga ma tomai e fesoasoani i le latou tiute tauave tau tausiga.

Fesili:

2. O a vaega e aofia i lou tiute tauave o tausiga poo a foliga vaaia o nei tiute tauave mo oe?
 - a. O oe o se Tagata Tausi Muamua? Ma poo iai sau fesoasoani, e pei o le aiga potopoto i le tuuina atu o nisi fesoasoani tau tausiga?
3. O a fesoasoaniga faaopoopo ma/poo tomai e te manaomia pe e te fia manao e atina'e ina ia fesoasoani ma lagolago ia te oe i lou tiute tauave o tausiga?

Lagolago mo tagata tausima

O manaoga o tagata tausima lē totogia e eseese ma e masani ona fua i luga o isi vaega. E ono eseese e fua i luga o le taimi poo le mamafa o faatulagaga tau tausiga mo tagata taitoatasi, mo se faataitaiga o isi tagata tausima e tuuina atu le tausiga ma e faigaluega foi. O isi e lē na o latou o tuuina atu le tausiga, pe e le o tuuina atu e latou le tausiga i aso uma. E eseese fesoasoaniga ma auaunaga o loo avanoa patino mo tagata tausima. E avanoa auaunaga faafesagai, luga le initaneti ma luga o telefoni i Ausetalia mo soo se tasi o avefa ma se tagata tausima le totogia. E mafai ona lafo sa'o atu fesoasoaniga ma auaunaga faataitai poo le uia o se isi faalapotopotoga ft. faamama o le togalaau, malaga ma tausiga puupuu.

Fesili:

4. O e silafia auaunaga o avanoa e fesoasoani ia te oe i lou tiute tauave o tausiga?
 - a. O e silafia pe faapefea ona maua ma saili fesoasoaniga mo tagata tausima?
 - b. Sa e faaogaina ni fesoasoaniga poo ni auaunaga mo tagata tausima i le taimi ua tuana'i?
5. Afai sa e faaogaina nei auaunaga, o a vaega sa aoga ia oe poo a vaega sa e feagai ai ma ni lu'itau?

Malologa puupuu

O le 'malologa puupuu' poo le 'tausiga puupuu' o le taimi e tausima ai e le isi tagata le tagata o loo e tausima, ina ia mafai ona e malolo. O le malologa e maua ai le taimi e faatino ai gaoioiga o aso uma poo lou malolo, tausima lou ogotia ma tausima lelei oe. O le tausiga puupuu e mafai ona faatino e aiga poo uo poo se auaunaga mo tausiga puupuu. E mafai ona pupuu ma umi taimi, e aofia ai ma le po. E te ono manaomia tausiga puupuu faafuasei i se taimi puupuu pe a e iloa ua e lē gafatia le tuuina atu o se tausiga, mo se faataitaiga pe afai ua e gasegase pe manu'a. I le avefa ai ma se tagata tausima e taua le fai ma masani lou malolo ma saili malosi. E mafai ona fesoasoani malologa puupuu ia te oe ina ia mafai ona faaauu lou tiute tauave o se tagata tausima.

O loo faailo mai i le Pepa Iloilo o le Soifua Lelei o Tagata Tausima 2023 faapea o le tausiga puupuu e mafai ona faaititia ai le vaivai, ogotia ma le tino pepe o tagata tausima, ma e tuuina atu ai le taimi mo gaoioiga taua i le tausiga o ia lava ma isi gaoioiga tau agafesootai. E ono manaomia le tausiga talafeagai aloaia mo isi tagata tausima e iai manaoga eseese pe faapitoa, e pei o tagata tausima talavou e manaomia se taimi mo aoaoga ma tafaoga e lagolago ai le latou atina'ega. Matou te malamalama faapea o le upu 'malologa puupuu' e ono lē talia e le tele o tagata, ma matou te fia iloa atili i lenei vaega.

Fesili:

6. Matou te iloa o isi tagata tausima e iai lagona faapea e lē mafai ona latou tuua o latou tagata peleina i isi tagata ona o le faafaigata o le tausiga e manaomia. O a ni vaega ua taofia ai lou sailia o le malologa puupuu ma o a fesoasoaniga faaopoopo e ono aveesea ai lou musu e saili le malologa puupuu i le lumanai?
7. O a foliga vaaia o faatulagaga o tausiga faaopoopo talafeagai mo oe?

Galuega ma aoaoga

O le manaoga e tuuina atu le tausiga mo le isi tagata e tapulaa ai le taimi avanoa mo le tagata tausima mo le galuega, aoaoga, tafaoga ma le tausiga patino (Pepa Iloilo o le Soifua Lelei o Tagata Tausi, 2022). O se lu'itau le faapaleniina o le matafaioi tau tausiga faatasi ma le aoga ma galuega. Faatasi ai, o le ofi atu i totonu o se olaga faigaluega e faafaigata pe a o faatasi ma ni matafaioi tau tausiga.

E eseese lava fesoasoaniga ma auaunaga e mafai ona maua i le vaitaimi o tausiga. I taimi eseese e ono sui manaoga o tausiga ma e aafia ai le gafatia o le tagata tausima e auai ai i le galuega ma/poo aoaoga.

Sa maitauina i faatalanoaga talu ai faapea o le faapaleniina o tiute tau tausiga faatasi ma manaoga faaleaoaoga mo tagata tausima talavou e tele ina iu i le lē aoga, leaga o le faatinoga o mataupu ma le tapulaa o avanoa mo aoaoga maualuga. I le lautele, sa matou faalogo foi faapea o faatulagaga tatala o le aoga ma galuega e siitia ai le gafatia ma le fesoasoani i le auai faatamoaiga ma faaleagafesootai a tagata tausima. Faatasi ai, o faauilavea ma lagolago faaleaoaoga e siitia ai le auai.

Sa tuufaatasia le [Polokalame o Falefaigaluega Afaatasi mo Tagata Tausi](#) ina ia amanaia le sao taua o tagata tausima ma e fausia ai se falefaigaluega afaatasi mo latou o loo tuuina atu le tausiga lē totogia i tatou o nuu ma alalafaga. Matou te fia iloa ma a'oa'o e uiga i fesoasoaniga ma auaunaga i le falefaigaluega poo le aoga sa aogā mo oe.

Fesili:

8. O ā ni faataitaiga afaatasi mo tagata tausima e ono penefiti ai lau falefaigaluega poo aoga?
9. O ā ituaiga fesoasoani e avanoa mo oe i lau siosiomaga faaleaoaoga, poo i lou falefaigaluega e te iloa e aogā?
10. E faapefea ona matou lagolago tagata tausima ina ia nonofo pe toe foi i totonu o falefaigaluega poo le aoga?

Faamuamua

O le avefa ma se tagata tausima lē totogia e mafai ona tele le aafiaga i sootaga faaletagata. E fesuisuia matafaioi faapoopo ma o manaoga faaletino ma faalelagona i le avefa ai ma tagata tausima e mafai ona oo ai i le ogotia, vaivai faapea ma le inoino. E mafai ona suia ai le natura o ou sootaga, aemaise pe a suia matafaioi, mo se faataitaiga ua tuuina atu e fanau tausiga mo se matua, poo le tausima e se tane lona ava. E lē tutusa ni matafaioi tau tausiga se lua. Matou te fia malamalama atili i vaega e te lagona e taua ona faamuamua i lou tiute tauave o tausiga.

Fesili:

11. O ā ni lu'itau sili e tolu o loo e feagai ai i le avefa o oe ma se tagata tausima?
12. O le ā sou manatu i avanoa tetele e te iloa e faaleleia ai olaga o tagata tausima ma tagata o loo latou tausima?

Lagolago faaleuo

E mafai ona fesoasoani vaega lagolago faaleuo i le tuuina atu o se avanoa e talanoa ai i isi tagata tausima ma faasoa aafiaga. E mafai ona tuuina atu e le lagolago o le uo i le uo ituaiga lagolago eseese, mai faamatalaga taua, i le faasoa o aafiaga ma fautuaga, e oo lava i le faamafanafanaga faaleuo ma le faauo.

E mafai ona lagolago faataitai le lagolago faaleuo, fesoasoani i vaega e pei o le faatino ma le faatumauiina o auala e tali atu ai i ni mea tutupu ft. auala e pulea lelei ai talavai, tali atu i faafitauli faasoifua maloloina faalemafaufau mmf. E ono tuu atu le lagolago faalagona ma e ono fesoasoani ia oe i ni faigata faalagona i le tulaga ua e iai. E tele tagata tausima e maua le tomai taua ma le lagolago ina ia uia lelei ai auaunaga ma tagata lautele.

E ono fesoasoani le lagolago faaleuo i le fausia o sootaga ma tagata, faalapopotoga ma auunaga fou.

Fesili:

13. Ua e mauaina se lagolago faaleuo? O ā ni vaega sa e iloa e penefiti ai, pe mafai ona e faailoa mai ni vaega mo le faaleleia?

Tomanatu i tagata tausi uma

Tatou te iloa nisi o faalapopotoga ma tagata e faafaigata ona fesootai ma auunaga ma faasologa faalemalo ma e latou te faafesagai lava ma pa puipui faapoo e ono le oo iai isi tagata tausi, e pei o pa puipui tau gagana, itiiti o le tomai faaeletoroni, puipuiga faaleaganuu, mauaina o auunaga patino poo nofoaga.

O potopotoga eseese nei e aofai ai ae le gata ai i:

- Tagata First Nations
- Tagata tausi mai nuu eseese faaleaganuu ma faalegagana - e aofia ai latou e omai i olaga sulufai, malaga mai ma aganuu eseese
- Tagata tausi i nofoaga faaitulagi, tu ese toatasi ma nuu i tua
- Tausimai o lo'o fa'ailoa mai, po o le tausia tagata e iloa faapea o LGBTQIA+
- Tagata tausi talavou
- Tagata tausi matutua

Fesili:

14. O le ā se fiafiaga ia te oe pe a e vaai o faailoa ou aafiaga faaletagata i totonu o le Auivi.
15. Afai e te sau mai se potopotoga tagata eseese, o a ni avanoa o loo e vaai iai mo le Auivi ina ia faaleleia lou mauaina o fesoasoaniga ma faamatalaga i lou nuu? (Mo se faaitaiga, ua e iloa se va poo se lu'itau i le mauaina o le lagolago ma/poo faamatalaga e patino i lou nuu ma o a vaega e mafai ona iloilo e le Malo e faaleleia ai lenei faafitauli).
16. O ā ni vaega e faamuamua e ono fesoasoani pe faaleleia ai le aafiaga faaletagata o tagata tausi i lou nuu?

Totogi

E tuuina atu e le Malo Ausetalia totogi e ala atu i le polokalame o le saogalemu e lagolago i tagata tausi ua lē mafai ona latou tausia latou lava e ala atu i se galuega e totogi ona o le manaoga o le latou tiute tauave o tausiga.

O le Carer Payment ma le Carer Allowance o totogi saogalemu tai lua vaiaso e fesoasoani i le tagata e tuuina atu le tausiga i se fale patino i se tagata e iai aafiaga tumau o le soifua, se gasegase faafomai poo ua vaivai ona ua matua. O le penisiona, e aofia ai ma le Carer Payment, e masani ona totogi i le fuafaatatau o tupe maua lagolago e mafai ai i le polokalame saogalemu a Ausetalia. O nei totogi e faasinoupuina ia Mati ma Setema i tausaga taitasi e tusa ai ma le Lisi o Oloa Faatau ina ia atagia ai siitiaga i le tau o le soifuaga.

I le Tala o le Tupe 2024-25, o loo faaagaga e le Malo Ausetalia le \$18.6 miliona mo le 5 tausaga ina ia tuuina atu i tagata tausi le filifiliga ma le avanoa tatala e faatulaga o latou manaoga faalegaluega i le faatinoina o latou tiute tauave o tausiga, e ala i le teuteuga o le 25 itula i le vaiaso mo le tagata totogi i le Carer Payment i le faatagaina o le 100 itula i le vaiaso e 4 vaiaso. O lenei fua e uunaia ai le auai i falefaigaluega e ala i le tatalaina o le tulafono auai o le 25 itula ma

tuusaunoa tapulaa i gaoioiga tau aoaoga ma galuega ofo fua. E oo i le 31,000 tagata totogi o le Carer Payment o loo faigaluega ma e ono faamanuiaina mai le mafai ona galue i suiga tatala (e aofia ai le oo atu i le 25,000 o tamaitai).

O loo iloilo i le taimi nei e le Department of Social Services le alagatatau ma le talafeagai o faiga sailiiliga mo totogi o tagata tausii i le polokalame saogalemu. E aofia ai le fesootai ma paaga ma toe iloilo meafaigaluega suesue, faiga ma manaoga o talosaga mo le totogi o tagata tausii.

Fesili:

17. E iai ni au manatu pe faapefea le faatinoga o le faagasologa o suesuega mo totogi o tagata tausii i le polokalame saogalemu?
 - a. E iai ni auala e mafai ona faafaigofie mo tagata tausii ina ia faaalua ai le latou agavaa mo se totogi?
 - b. O a ni pa puipui sa e feagai ai i le tau faailoa o lou agavaa mo se totogi e tatau ona matou iloa?

Isi auaunaga

I le tele o tausaga, sa feagai Ausetalia ma faalavelave lamatia e pei o afa, lologa, afi mumu ma mafu'ie. O le sailia o se fesoasoani i lea taimi e mafai ona faafaigata ma e eseeese, faafaigata ma vave le faatinoga o le tali atu i faalavelave faafuasei e fua lava i luga o le ituaiga faalavelave.

Fesili:

18. Sa e manaomia se fesoasoani tau faalavelave faafuasei poo se lagolago tau faalavelave faafuasei ao e avea ma tagata tausii?
 - a. Sa e feagai ma ni pa puipui i le mauaina o nei lagolago tau faalavelave faafuasei ona o lou tiute tauave o se tagata tausii?
 - b. Sa ausia e lagolago tau faalavelave faafuasei ou manaoga poo manaoga o le tagata o loo e tausii (mo se faataitaiga pe sa iai se nofoavili ina ia mafai ona ulufale i vaega manaomia; poo le uia o nofoaga filemu mo tagata e iai aafiaga tau mafaufau)?
 - c. E te fia faasoa mai se aafiaga?

Faasoa lou aafiaga:

19. E iai se isi vaega e te fia faasoa mai ai?

Faasino autu

ABS (Australian Bureau of Statistics) (2022) *Disability, Ageing and Carers*, ABS website, accessed 4 July 2024, <https://www.abs.gov.au/statistics/health/disability/disability-ageing-and-carers-australia-summary-findings/2022>

ABS (Australian Bureau of Statistics) (2018) *Disability, Ageing and Carers*, ABS website, accessed 12 July 2023. <https://www.abs.gov.au/statistics/health/disability/disability-ageing-and-carers-australia-summary-findings/latest-release#carers>

Australian Bureau of Statistics 2022-base---2071, *Population Projections, Australia*, ABS, viewed 4 April 2024, <https://www.abs.gov.au/statistics/people/population/population-projections-australia/latest-release>.

Australian Bureau of Statistics 2021, *Population and Housing*, ABS website, accessed 11 July 2023.

Australian Bureau of Statistics 2024, *Labour Force, Australia*, ABS, viewed 4 April 2024, <https://www.abs.gov.au/statistics/labour/employment-and-unemployment/labour-force-australia/latest-release>

AIHW (Australian Institute of Health and Welfare) and NIAA (National Indigenous Australians Agency) (2023) 'Health Status and Outcomes: 1.14 Disability', *Aboriginal and Torres Strait Islander Health Performance Framework*, AIHW and NIAA, Australian Government, accessed 11 July 2023.

Carers NSW (2023) 2022 National Carer Survey: Aboriginal and Torres Strait Islander Carers [PDF 138.82KB], fact sheet, accessed 11 July 2023.

Deloitte Access Economics (2020) [*The Value of Informal Care in 2020*](#), *Carers Australia*, accessed 4 April 2024.

First Peoples Disability Network Australia (FPDN) (2023) [*Disability Sector Strengthening Plan*](#), closingthegap.gov.au

Hill T, Cass B, Newton B and Valentine K (2012) [*Indigenous Carers*](#), Department of Social Services

Standing Committee on Social Policy and Legal Affairs (27 March 2024) *Recognising, valuing and supporting unpaid carers*, [*Recognising, valuing and supporting unpaid carers – Parliament of Australia \(aph.gov.au\)*](#)

LoGiudice D, Josif CM, Malay R, Smith K, Hyde Z, Haswell M, Lindemann MA, Etherton-Ber C, Atkinson D, Bessarab D, Flicker L (2021) '[*The Well-being of Carers of Older Aboriginal People Living in the Kimberley Region of Remote Western Australia: Empowerment, Depression, and Carer Burden*](#)', *Journal of Applied Gerontology*, 40(7), 693-702, doi: 10.1177/07334648198986.

Mohanty I, Niyongsenga, T '[*Young Carers and their mental health*](#)', *The Lancet Regional Health Western Pacific*, Volume 16, 100304, DOI: <https://doi.org/10.1016/j.lanwpc.2021.100304>.

Schirmer, Mylek and Miranti (2022) [*Carer Wellbeing Survey: Full Data Report*](#), Carers Australia, accessed 12 July 2023.